

W1720.0607

近代中國史料叢刊第八十三輯
沈雲龍主編

庚子教案函牘

祝 芾輯

文海出版社
有限公司印行

庚子春拳變延直境擾涑邑邑侯祝公請兵鎮之是時倡拳者不過一二奸人愚氓無知多附之以作聲勢而當道又或目爲義民以爲國恥可洒兵威可積變弱爲強在此舉矣乃盜賊益出海內騷然鑿輿播遷人民塗炭不第無以臻厥成而卒至於敗此豈公見之不早乎漢季黃巾張角起鉅鹿幽冀荆揚多應之楊賜獨上書請簡別流民孤弱其黨元紅巾徐壽輝倪文俊鄒普勝起羅田不數年攻陷州郡半天下獨朶爾直班言倡亂者數人不得作中華之民皆叛逆宜守荆襄湖廣絕其後患之二人者何見之卓也夫鴟鴞惡也羣鳥有時而附焉豺狼惡也羣獸有時而從焉如謂附之飛者卽鴟鴞從之行者卽豺狼鳥獸何知冤抑甚矣當時內亂外患倉猝交乘列邦來問罪之師羣匪肆殘民之毒而長官大吏則曰此涑匪也鄰封郡縣則亦曰此涑匪也嗚呼涑何匪之衆乎鳥之附鴟鴞獸之從豺狼

蒙此惡名、雖百舌亦無以辨、然幸有公在、公蒞涑、未半載、卽出民教、仇殺事、匪首蔡培等數窘公、公上其事、謂禍端之起、涑之閭閻、修其助、以爲虐者、皆涑定之匪、一莠甚百、良是不可不區爲之別、噫、閭之罪、固較張角、徐壽輝爲重、公之心、尤較楊賜、梁爾直、班爲苦矣、然而漢之黃巾、盧植、圍廣宗、皇甫嵩、朱儁、討潁川、猶得翦而誅之、元之紅巾、橫行江淮、日益滋蔓、其鋒不可當、而董搏霄、復徽州、卜顏帖木兒、牙罕沙、合軍攻蕪水、亦足大爲挫折、獨惜楊公雲峯、與公刎頸交、奉檄馳涑、境敗石亭、卒遇害、不能成殺賊之功、致使匪焰日張、燎原莫撲、嗟乎、天下之事、防於未然者、易、揅於已然者、難、早如公言、禍不及此、雖然、亦氣數也、豈一二奸人所能盡惑哉、

光緒壬寅年秋八月治愚弟趙曾棟謹序

北方民俗剛勁其失也勇於私鬪罔識大局苟在上者舉詩書禮義之教以漸漬之斯爲善良質直之民也矣奸莠不逞之徒激於一時之忿張皇邪術號召匪黨無知妄作迨星星之火竟致燎原其時雖有先知之哲亦以變起倉卒方將從事補救而東竄西越勢已不可復及往者乾隆三十九年之秋壽張奸民王倫以清水邪教運氣治病教練拳勇既端一發馴至連陷城邑戕殺官吏上煩

廟謨始克底定迨嘉慶十八年滑縣之變林清李文成諸賊煽惑黨衆覬覦非常潛入京師震驚

宮闕會有天幸風雷助威乃殲妖賊先是強忠烈公克捷方知滑縣事偵悉匪謀白之當事殊不之省強公爰及於難其先見之明死事之烈可謂卓哉庚子春夏之交拳民肇亂始僅匿伏於鄉野繼且蔓延於畿輔終乃仇視外人啓釁鄰國其爲僭患較之王林殆尤爲慘

酷矣

天眷


聖清氛祲全銷、重慶康樂、而後當時之情況、與官吏所以處置之方、乃可以大白於天下、夫拳民糾結、幾逼直省、固非始於涑水也、然隱察其機、而思有以遏其萌者、則不得不歸之涑水、時則祝召棠、大令治涑、未半載、匪首蔡培等將蠢動、大令廉知之、以其事上聞、於是大吏檄楊雲峰、副戎等往涑鎮撫、詎匪黨怙惡不悛、率衆抗命、副戎既擒斬匪首多人、卒以衆寡不敵、爲賊所戕、論者謂大令之先見、副戎之死事、殆兩無媿於強公焉、前年

朝廷旌副戎之忠勇、壯烈、照總兵陣亡例

賜卹、並准在死難地方建立專祠、大吏亦稔大令廉明、俾復蒞涑、以造福涑民、嗟乎兩君之功績、至是益昭著矣、吾因而思天下之治、蓋

始於一邑蒞斯民者貴能遊之學校生其愛親敬長之誠課以農桑
給其治生贍家之欲而後風氣純樸既亂乃可以不作知言深識之
君子或亦有取乎爾也大令既集錄此案函牘索序於余爰貢其所
見書之卷端、

光緒三十一年乙巳孟春商城張孝謙謹序



庚子四月初六日通稟督藩臬道州憲因拳匪日甚請兵駐紮
敬稟者竊前奉臬藩司會札

憲
臬藩轉奉

督台電飭查明拳匪聚會處所一面迅將拳匪行至何處約有
若干據實稟覆等因當經卑將拳匪聚會處所並查辦情形

大略稟請臬藩司

憲
臬藩查核在案伏查義和拳最易搖惑人心卑誠恐蔓延至

境早經出示曉諭親詣各村愷切勸導並派親信家丁各處訪
查以期拳匪無從匿跡小民各安生業杜患未萌上紓

憲厘詎該拳匪行踪詭秘潛在縣屬之南北汝河村煽惑卑職當

經親往再三勸解取具該村首劉王二姓甘結嗣據劉王二姓
以該村尙有十餘人執迷不悟仍事學習等語稟請並聞下庄

婁村亦有拳匪復經卑職會同營典馳往各處而加勸導並將
首先教令學習之閩姓一人帶案看管嗣據閩姓家屬以該處
拳會業已星散以後誓不再習並求寬其既往勉其將來等情
面懇卑職派人密查無異因恐激成事端取保釋放本月初二
日南北高洛村忽又聚集多人置備器械公然練習顧忌毫無
而汝河下莊婁村仍復陽奉陰違卑職馳往各處並邀集紳董
愷切勸諭幾於舌焦唇敝車殆馬煩奈該拳匪簧鼓日深出乎
此卽入乎彼卑職一人寔屬應接不暇而愚民蠢惑日甚率邑
若狂當此旱災將成游民愈聚愈多陽奉陰違更有防不勝防
之勢况南北高洛兩村教民較多雖經卑職先時安慰日久難
免衅端若僅由卑職查拿而卑職縣捕役無多營兵有限寡不敵
衆勢必釀成事變與其姑息以養奸曷若杜患於未萌合無仰

懇

憲台

移檄

飭馬隊

二

三

哨星夜前來駐紮

卑境

以便查辦而資鎮服

所有

卑

縣拳匪日甚請兵駐紮緣由擬合據實專差稟請

大人查核俯賜照准實爲公便肅此具稟恭請

助祺伏乞


垂鑒

卑

職

帶

謹稟




庚子四月 日席教士第一次來函

敬啓者

祝大老爺大人台電 治下所屬之高洛村土匪閻洛瀾單洛美素
不務正屢欺教民常與奉教者爲仇 江大老爺任內業已來
信屢次勸免再三不改心懷妬恨而今又出惡言要請義和拳
殺害教民伊等安心不善祈

閣下多費心神不如預先壓伏阻其惡行免出後患則感大德鴻
恩無極矣肅此恭請

金安不一




庚子四月十一日席教士第二次來函

敬啓者

祝大老爺大人台電因高洛村圍洛福請來義和拳匪現今眾人太衆口稱殺害教民與奉教者放火該處教民實係危險不小懇祈

閣下多費心神速加護佑可以管否若實在不能辦理速賜回音另行斟酌專此謹請

金安



庚子四月十一日覆席教士函

敬覆者頃接


來函以啟處高洛村閩洛福延請拳匪欲與教民爲難囑卽保護
等因查高洛村前經鄙人親詣勸諭並飭閩洛福轉向勸導嗣
聞閩洛福陽奉陰違並該村人多有學習情事鄙人誠恐激成
事端已密稟

制軍轉飭馬隊前來駐紮茲奉

來書當派妥役星夜馳往該村勸導彈壓俟明日雨霽鄙人再親
往查禁諒不致別生事故惟望轉飭教民各安生業毋庸張皇
以免該拳匪有所藉口知勞

注存專此奉覆卽頌

時祉



庚子四月十五日通稟督藩臬道州憲因拳匪肆意焚殺請派兵委員查辦

敬稟者竊本月十四日早風聞縣屬北高洛村聚集拳匪有與教民滋事情事正在會營彈壓間即據南高洛村教民稟同前由中職立即前往該拳匪不服勸解妄言抗拒中職正在爲難間忽見大隊拳匪源源而來將中職圍困勢甚洶湧經中職設法開導爾時拳匪約有千餘人擄去教民二名因事關重大當回署將前情電稟

憲台迅速派兵來縣詎該拳匪於是日夜即將南高洛村教民居住之房屋放燒約四五十間並在井內見有殺傷男女大小約二三十口是教民抑是拳匪無從確查亦無人認屍報案查南北高洛兩村相去一里許欲至南高洛必須由北高洛經過現

在拳匪盤据北高洛村凡往來行路及面生之人均不得過以故不得前往勘驗今晚蒙

憲台督憲檄飭親兵練軍分統楊副將轉飭馬隊二十名到縣寡不

敵衆事屬爲難合再仰懇

憲台俯念事關大局迅速派兵來縣剿拿並委幹員查辦實爲公便除將查明實在情形另行稟報外所有大概情形理合馳稟大人查核肅此具稟恭請

勛安伏乞

垂鑒
卑職 帶 謹稟

庚子四月十六日委員

夏直制詒垣
呂大令增祥


電稟潘憲奉飭查辦拳案

高碑店站長速電保定鐵路總辦轉呈

潘憲

憲鈞鑒卑職詒垣等午後抵涞卽先繞道赴南高洛村查勘適

祝令岳哨官兆安先在該處因會同詳細查驗計焚燬教民住房七十五間念經公所七間據該村民人報稱此股拳匪多由外來十四日鬧事後半皆潛遁各處老團等語卑職等逐細查勘屍身未見教民亦均逃匿無從質問被擄之教民二人亦無下落惟北高洛村聞尙有隱伏拳匪甚衆卑職等擬往捕拿匪首因馬隊僅二十名未便輕往現經稟商院委張毓渠觀察約同王營官占元擬於明辰馳往相機查辦恐非用兵不能懾服以後情形容再詳稟卑職增祥謹稟



庚子四月十八日院委

張觀察 楊分統 魏渠

會稟督憲奉飭查辦拳案

敬稟者竊職道於十七日早與夏呂兩委員及祝令約同現住定興帶馬隊兩哨之王營官至高洛村將大佛寺拳廠圍住詢知外來各匪業於十四夜十五早先後散歸尙有本村大小數十人在內派役入寺開導未敢拒捕即將李勤等七名並幼孩十三人拿獲揭取黃紙牌位三箇尙無器械當將廟門封鎖祝令等復至教民單老玉家坑上尋獲燒死殘屍一具驗明飭埋酉刻職道等回城王營官仍回定興今早傳聞又有遊人聚衆之謠午後職道卽同易州寶牧祝令帶隊至該村詎廟內又設立牌位聚有二十餘人立督弁勇縣役捕拿該匪等憚於兵威紛紛逃竄當獲蔡培卽蔡蘭亭等九名搜獲抬槍兩桿刀矛二十餘件起出米麵三百餘斤燒酒百餘斤點心小菜各物其遊


人之言可知實有其事卽留保定天津馬隊各半哨駐紮該村
巡守杜其復聚順道等定更後回城適沐恩已到又商添馬隊
半哨連夜前往以昭慎重現已商定明早由沐恩會同祝令帶
隊至該村搜查匪徒尋撈被害教民屍身昨今兩日所獲各犯
經夏呂兩委員會同寶牧祝令審訊皆係習拳之人其中首要
尙未全肯供認容再研訊由印委錄供稟辦其起事之由因上
年被教民指控和息罰酒數十棹故於四月初間迎接拳師立
廠冀圖報仇因聞教民有購備槍炮約人防守之言以致拳民
暗傳各處拳匪於十四日有焚殺之事此次弊端係屬開自拳
民除嗣後辦理情形隨時稟報外遵將連日查辦緣由先陳
鈞鑒是否有當尙乞

訓示遵行專肅寸稟恭敬

鈞安伏乞

垂鑒 職道 逆芬 沐恩 福同 謹稟

九



夏兩委員手摺稿照錄

謹將^{卑職}等連日查辦涑水縣南高洛村驗明被燒華式小堂七間及教民房屋共七十五間暨業經起出屍身五具並迭獲拳匪訊得初供各情形開具節略恭呈

鈞鑒

計開

四月十五日亥刻奉到

鈞札並抄發祝令原稟令卽會同馳往妥慎查辦等因蒙此^{卑職}等遵卽束裝於十六日早登火車於是日辰刻至定興縣擬卽赴高洛因訪聞紛傳南高洛教堂已於十四日被燒教民紛逃而拳匪尙未全散應先赴涑水赴涑本須經過定興縣城遂往會晤羅令卽經羅令告知於十五日早曾先密派家丁往探回

稱十四日祝令復往解勸甫至該村卽被該匪等圍困幸經紳民極力跪求該匪始折回南去祝令方得脫身回署至暮南頭烟燄頓起哀號鼓噪至傷人若干難知確數各等語畢職等立具函交羅令專馬送涑約祝令帶同書役至南高洛會齊查驗并往晤王營官哨弁囑俟到齊聽信至未刻馳抵南高洛村祝令已先在彼遂會同查得焚燒華式小教堂七間教民房屋七十五間未見暴露屍身井中窖內情形均有可疑惟該村南頭地保本係教民已無下落而北頭地保亦并匿入拳中無人可喚至聚觀村民衣服辮繩綴繫紅布者已居八九乃向無紅記者覓借轆轤鐵鎬等物無敢應聲無從弔撈刨挖畢職等同祝令向北行經大廟廟台上立有多人祝令密告此卽拳匪聚集之區旋一人邀請入坐畢職等詢爲武生閻夢樓此次始而勸

止繼而投信終之跪求皆其苦心知為曉事之人遂訪問肇祥情由據云昔年因該村南頭蔡姓不出會錢曾將其族人閻洛福控告經斷仍令派出蔡姓遂投入天主教閻洛福無可如何因此懷忿迨去年正月該村搭棚懸燈即在教民屋後教民遂亦控告經斷閻洛福罰銀賠禮積忿益深今年因聞義和拳專制教民意圖報復遂於三月杪撒帖邀人四月初二日在大廟內設廠習學教民先有戒心預備器械而義和拳即於四月十二三等日赴各處添邀拳匪日聚日多該武生聞信始又密報等語訪畢 畢職 等同祝令於三更回抵縣城幸值

張道憲亦於是日更餘率兵馳至公同稟知以上所查所訪情形連夜飛函王營官撥兵協圍大廟勒令交出首要以便剴切曉諭解散脅從並辦弔撈刨挖等事會同祝令先後電稟次日

黎明甲職等並祝令隨同前往旋將自稱管事之李勤及口稱挑水做飯之閻喜兒閻玉閻自敬等四人喚出訊以廟內尙有若干人據稱僅止幼孩數十訊以何人首欲設厰何處所邀教師均不吐實及詰以習此何爲則同聲盛氣云保甲團練保護身家及問以十四日焚殺之事答以燒由天火屍身不知至問以提入廟中二人則更佯然維時

張道憲尙冀所捉二人或未被害且既云全係幼孩未便遽剿而其時其地難以研訊卽使得情亦非慎密之道甲職等始隨入廟查看彌勒寺院別無所見及至廟後閉院並其東毗連之龍母宮除幼孩外少壯者三五成羣尙約百餘內有一人合掌而立問以姓名據稱閻葵且係文生用言誘之令將幼孩悉數帶出甲職等揭其黃紙牌位三張攜出糊裹稽棒一根復留心

詳勘見屋內院中新搭鍋竈三大盤碗至數百食指如此人衆可知是日僅在教民屋角刨出男屍一具驗完卽收殮將各犯帶城審訊是夜會同隔別研究始得起意習拳係由閩洛福之次子閻肇修先由定興倉巨村之麻子臉師兄轉邀新城沈各莊之宋姓三師兄並穿草鞋之和尙於四月初二日設廠傳習十四日以前復邀涿州之胡凝村安肅之陳各莊新城之白溝河等匪於十三日夜十四早先後到齊十四日午後始而拒官入村繼而擁入教堂用沙弔插入火種掄擲焚燒名爲沙鍋罩連夜將各屍擲入井中窖內其被捉實有三人亦於十四日砍殺埋於廟內閑院各等語供詰以起衅亦與訪於閩武生所述相同至夜半退堂祝令先飭購棺多具次辰隨張道憲仍往起屍駐隊畢等在城再訊各犯詎甫天明而閩

武生密報聞南高洛又往邀人適易州竇牧並楊分統先後馳到當亦同赴高洛刻聞探馬回稱大廟果仍又聚多人已起獲白米數石麵百餘斤酒百餘斤刀矛多件以上係畢職等自十六到涑以後至十八日一切情形理合飛稟

憲台查核肅此具稟恭請

勛祺伏乞

垂鑒畢職謹稟

庚子四月十九日院委

張觀察 魏縣 楊分統 雲峰

電稟督憲拳匪情形

高碑店站長速電

津蘆楊唐兩總辦轉呈

督憲鈞鑒高洛村十七八兩日情形業經專稟在案

沐恩昨早

會同祝令帶隊赴高洛村查無拳匪尋獲被害教民屍身四具

傍晚回城詎料該村邀來外匪二三百人分爲兩股一伏史各

莊西路北溝內一伏高洛西北路旁欲乘不備前後夾攻

沐恩

因天晚城內隊伍無多先令哨官帶隊回城行至史各莊西溝

內該匪發喊突出持械猛攻各哨弁督隊搶上高坡開槍還擊

沐恩同祝令聞信卽帶高洛馬隊策應甫出高洛里許突出百

餘匪發喊迎敵卽令弁勇開槍當斃悍匪五六十名傷者數十

名擒獲五名餘匪四散趕至前隊戰處知亦斃匪七名擒獲三

名兩處各得器械數十件因天已黑卽回城內獲犯交祝令審
訊李營官瑞亦於昨夜到高碑店現調步隊一哨到涑一哨駐
紮高浴職道沐恩午後仍同往巡查想經此次懲創尙可稍殺
凶氣知關

厘念特電遼芬福同謹稟